



**RESOLUCIÓN DA XEFA TERRITORIAL DA CONSELLERÍA DO MAR NA CORUÑA  
POLA QUE SE PUBLICA A LISTAXE DE PERSOAS ASPIRANTES SELECCIONADAS  
NO PROCESO SELECTIVO PARA O ACCESO AO PERMISO DE EXPLOTACIÓN DE  
MARISQUEO A PÉ PARA O EXERCICIO DA ACTIVIDADE EXTRACTIVA NO ÁMBITO  
DA CONFRARÍA DE PESCADORES DE PONTEDEUME, E SE ABRE O PRAZO PARA  
A PRESENTACIÓN DE DOCUMENTACIÓN.**

**ANTECEDENTES:**

1. A Orde do 21 de decembro de 2020 pola que se aproba o Plan xeral de explotación marisqueira para o trienio 2021-2023 (DOG Núm. 262, de 31 de decembro de 2020), e de conformidade co expediente de aprobación do plan de explotación de moluscos bivalvos a pé da confraría de pescadores de Pontedeume en autorización (PE403A 2020/9-1) indicábase que para os anos 2021, 2022 y 2023 mantense o número máximo de vinte (20) permisos que poderían participar neste plan.
2. O número de permisos vixentes nesa entidade na actualidade é de dezasete (17), por tanto, son tres (3) as prazas por cubrir ata acadar o número máximo de vinte (20) permisos establecidos no plan.
3. Por resolución do 24.02.2021 da xefatura territorial da Consellería do Mar da Coruña, convocouse proceso selectivo para o acceso ao permiso de explotación na modalidade de marisqueo a pé para o exercicio da actividade extractiva no ámbito da confraría de pescadores de Pontedeume. Neste proceso convocáronse as tres (3) prazas indicadas.
4. Mediante a resolución do 07.04.2021 publicouse a listaxe provisional de persoas aspirantes admitidas ao proceso selectivo, unha vez rematou o prazo de presentación de solicitudes o día 18.03.2021. Posteriormente, con data de 08.04.2021 recibíuse no rexistro da xefatura territorial do mar da Coruña, unha nova solicitude con rexistro de entrada no Concello de Cedeira o 17.03.2021.
5. Polo indicado no punto anterior, o 13.03.2021 esta xefatura territorial publicou unha resolución coa modificación da listaxe provisional de persoas aspirantes admitidas ao proceso selectivo. O número total de aspirantes no proceso convocado é de dúas (2) persoas, número inferior o de prazas ofertadas, polo que non foi necesario establecer unha orde de prelación e por tanto proceder á baremación.





## CONSIDERACIÓNS LEGAIS E TÉCNICAS:

**1.** Esta xefatura territorial é o órgano competente para o outorgamento dos permisos de explotación de conformidade co establecido no Decreto 425/1993, do 17 de decembro, polo que se refunde a normativa vixente sobre o permiso de explotación para exercer a actividade pesqueira e marisqueira, modificado polo Decreto 114/2007, de 31 de maio, e polo Decreto 48/2013, do 7 de marzo.

**2.** A Orde do 15 de xullo de 2011, pola que se regula o permiso de explotación para o marisqueo a pé, regula no artigo 6 e seguintes o procedemento para a obtención do permiso de explotación.

**3.** As solicitudes presentadas valoráronse de acordo co establecido na Resolución do 12 de novembro de 2013 da Dirección Xeral de Desenvolvemento Pesqueiro, pola que se aproba o baremo para obter o permiso de explotación para o marisqueo a pé.

De acordo co anteriormente indicado e de conformidade co establecido na base 3.1 do anexo A da resolución de 24.02.2021 pola que se convoca proceso selectivo para o acceso ao permiso de explotación na modalidade a pé para o exercicio da actividade extractiva no ámbito da confraría de pescadores de Pontedeume, así como na disposición transitoria primeira do Decreto 245/2009, do 30 de abril (DOG nº 84, do 1 de maio de 2009), polo que se regulan as delegacións territoriais da Xunta de Galicia, e no Decreto 177/2016 (DOG nº 239, do 16 de decembro de 2016), polo que se fixa a estrutura orgánica da Vicepresidencia e das consellerías da Xunta de Galicia, esta xefatura territorial no exercicio das súas competencias,

## RESOLVE:

**1º.** Facer pública a listaxe definitiva das persoas que superaron o proceso selectivo para o acceso ao permiso de explotación na modalidade de marisqueo a pé para o exercicio da actividade extractiva no ámbito da confraría de pescadores de Pontedeume.

**2º.** As persoas seleccionadas disporán dun prazo de quince (15) días hábiles, contados a partir do seguinte ao da publicación da presente resolución, para achegar a documentación que figura na base 3.2 do anexo A da convocatoria:

**a)** Certificado de estar empadroada nun municipio do litoral de Galicia. Esta documentación non será necesaria que se presente no caso de consentimento expreso da persoa para comprobar os datos de residencia mediante consulta ao sistema de verificación de datos de acordo co Decreto 255/2008, do 23 de outubro, e a Orde do 7 de xullo de 2009.

**b)** Certificado da Seguridade Social de non ser perceptora de pensións de xubilación, grande invalidez, incapacidade permanente absoluta, incapacidade permanente total, en favor de familiares ou perceptor da renda de integración social de Galicia. As persoas perceptoras da renda de integración social deberán renunciar a ela. Non será necesario en caso de autorización á Consellería do Mar para a consulta destes datos.

**c)** Documentación acreditativa de non estar incapacitada para exercer os labores de marisqueo.

**d)** Dúas fotografías de tamaño carné actuais e iguais, co seu nome escrito por detrás.





As persoas que dentro do prazo fixado non presentasen a documentación ou do exame dela se deducise que carecen dalgún dos requisitos sinalados, entenderase que desisten da súa solicitude.

**3º.** Para obter o permiso de explotación de marisqueo a pé, as persoas seleccionadas deberán estar en posesión do certificado de mariscador e non ter sancións firmes en vía administrativa en materia de protección de recursos mariños pendentes de pagamento.

**4º.** A presente resolución publicarase no taboleiro de anuncios da xefatura territorial da Coruña e na páxina web <http://www.mar.xunta.gal>. A resolución tamén se exporá, con carácter informativo, nos taboleiros de anuncios da xefatura comarcal da consellería do Mar en Ferrol e no da confraría de pescadores de Pontedeume.

Contra esta resolución, que non pon fin á vía administrativa, poderá interpoñerse recurso de alzada ante a Conselleira do Mar no prazo dun (1) mes contado a partir do día seguinte ao da publicación desta resolución, de acordo co establecido nos artigos 30, 121 e 122 da Lei 39/2015 de 1 de outubro, do Procedemento Administrativo Común das Administracións Públicas.

A xefa territorial

María José Cancelo Baquero





## I.- PONTEDEUME – RELACIÓN DEFINITIVA DE PERSOAS ADMITIDAS–SELECCIONADAS -OBTENCIÓN PERMISO MARISQUEO A PÉ

**Nota:** ocúltase parcialmente o número de D.N.I. en aplicación das garantías de protección da súa divulgación, seguindo o establecido pola Lei orgánica 3/2018, do 5 de decembro, de Protección de Datos Persoais e Garantía dos Dereitos Dixitais en relación á identificación dos interesados nas notificacións por medio de anuncios e publicacións de actos administrativos, así como a orientación para a súa aplicación da Axencia Española de Protección de Datos.

1º APELIDO	2º APELIDO	NOME	D.N.I.	PUNTOS (*)	PARO	FORM. 2.a	FORM. 2.b	PADRÓN
DEL RÍO	LÓPEZ	MIGUEL ÁNGEL	* * * 1229 * *	-	-	-	-	-
VARGAS	BARRUL	JOSÉ MARÍA	* * * 0642 * *	-	-	-	-	-

(\*) Posto que existen dúas (2) persoas aspirantes admitidas ao proceso selectivo, que supón un número inferior ao de prazas convocadas, non é preciso realizar a baremación nen establecer unha orde de prelación. A orde coa que se amosa esta lista é alfabética polo primeiro apelido e non determina prioridade a ningún efecto.

Os epígrafes de cada columna son:

- **PUNTOS** acadados en total.
- **PARO:** tempo transcorrido como desempleado/a, sempre que na actualidade sexa demandante de emprego, non en mellora de emprego: 0,25 puntos/mes durante un máximo de 1 ano inmediatamente anterior á convocatoria (**puntuación máxima 3 puntos**).
- **FORMACIÓN:**
  - 2.a ACTIVIDADES DE FORMACIÓN (cursos, seminarios e xornadas ou asimiladas):**  
Valoración das actividades que foron recoñecidas como mérito para acceder ao permiso de marisqueo a pé e que figuran inscritas no catálogo de actividades formativas anexo á Resolución do 24.02.2021 do xefe territorial da

consellería do Mar na Coruña pola que se convoca o proceso selectivo.

**2.b TITULACIÓN ACADÉMICA:** Graduado en ESO ou equivalente: 0,30 puntos; Bacharel ou equivalente: 0,50 puntos; Diplomado universitario ou equivalente: 0,70 puntos e Licenciado universitario ou equivalente: 1 punto. Ás persoas que posúan a titulación de técnico superior en produción acuícola ou técnico en Operacións de Cultivo Acuícola impartidas no IGafa, engadiráselles 1 punto.

**A suma de puntos do apartado de formación non superará os 3 puntos**

**PADRÓN:** Por estar empadroadado nun concello do ámbito da confraría ou entidade titular do plan de explotación en que está prevista a incorporación, durante un mínimo de 1 ano anterior á convocatoria: **4 puntos**

